

Utoqqalinersiaqarneq pillugu Inatsisartut inatsisaat nr. 20, 23 november 2015-imeersup allangortinneqarnissaa siunertaralugu Naalakkakkersuisut peqquneqarnissaannik Inatsisartut aalajangiiffigisassaattut siunnersuut. Allangortitsinermi utoqqalinersiaqartup aapparisaata isertai naapertorlugit utoqqalinersiaqarnissamut naatsorsuunneqartarnera atorunnaarsinneqassaaq.

Inatsisartunut ilaasortaq Mariane Paviasen, Inuit Ataqatigiit

Utoqqalinersiaqarneq pillugu Inatsisartut inatsisaat nr. 20, 23. november 2015-imeersoq kingusinnerusukkullu allannguutit ilanngullugit allangortinneqarnissaannik Naalakkersuisut peqquneqarnissaat pillugu Inatsisartuni aalajangiiffigisassatut siunnersuut, utoqqalinersiaqarneq aapparisaat isertitai tunngavigalugit allangortinneqartarunnaarnissaat anguniarlugu.

Inatsisartunut ilaasortaq Jens NapātôK', Naleraq

pillugit

Ilaqutariinnermut Peqqissutsimullu Ataatsimiititaliap

siunnersuutit aappassaaneerreqarnerannut

ISUMALIUTISSIISUTAA

Ataatsimiititaliaq suliarinninnermini uku ilaasortarai:

Inatsisartunut ilaasortaq Mala Høy Kúko, Siumut, siulittaasoq
Inatsisartunut ilaasortaq Bjørk L. Kristensen, Demokraatit, siulittaasup tullia
Inatsisartunut ilaasortaq Hans Peter Poulsen, Siumut
Inatsisartunut ilaasortaq Dines Mikaelson, Siumut
Inatsisartunut ilaasortaq Mikivsuk Thomassen, Inuit Ataqatigiit
Inatsisartunut ilaasortaq Eqaluk Høegh, Inuit Ataqatigiit
Inatsisartunut ilaasortaq Emanuel Nûko, Naleraq

UPA2023-imi 27. april 2023-imi siullermeerinerup kingorna siunnersuut ataatsimiititaliap misissorpaa.

Siunnersuutip imarisaa siunertaalu

Inatsisartut inatsisaat nr. 20, 23. november 2015-imeersoq §5 naapertorlugu pilersuisussaaqatigiinneq aallaavigalugu utoqqalinersialinnut soraarnerussutisiaqarnermi tapiissutit naatsorsorneqartarput. Tassa imaappoq, utoqqalinersialik aapparisaaminik

inooqateqarsimaguni inooqateqanngikkuniluunniit utoqqalinersiaanut tapiissutit iluarsiivigineqartarput. Pilersuisussaaqatigiinnerup peerneqarnissaa siunnersuutigineqartut marluusut siunertaraat.

Siunnersuutip Inatsisartunit siullermeerneqarnera

Inatsisartuni siullermeerinninnermi siunnersuutigineqartoq tapersersorluarneqarpoq. Utoqqaat inuuniarnermikkut atugaasa pitsanngorsarneqarnissaat partiit tamarmik kissaatigaat. Tamanna tunngavigalugu allannguut ulloq 1. januar 2024-imi piviusunngortinneqarniassamat ulloq 1. juli 2023-imi utoqqalinersiat pillugit inatsisip allanngortinneqarnissaa amerlanerussuteqartut kissaatigigaat oqallinnermi erserpoq. Siunnersuutip imarisaanut Naalakkersuisut tapersiipput tulliuttunili allannguutissatut siunnersuummik inassuteqarlutik:

Utoqqalinersiaqarneq pillugu inatsisip allannguutissatut siunnersuummik Naalakkersuisutsaqqummiussinissaannik peqquneqassasut, taamaalilluni inooqataasup isertitai tunngavigalugit nalimmassaasarneq atorunnaarsillugu. Siunnersuut kingusinnerpaamik UPA2024-mut saqqummiunneqassaaq.

Siunnersuutip aningaasatigut kingunerisassai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Siunnersuutip piviusunngortinneqarnissaanut aningaasatigut kingunerisassai siunnersuummut naapertuupput, taamaalilluni aapparisaq isertitai aallaavigalugit soraarnerussutisiaq iluarsiivigineqartarnerisa peerneqarneratigut ukiumut pisortanut aningaasatigut kingunerisassai 6 mio. kr.-inik aningaasartuutaanerunissaa ataatsimiititaliamit maluginiarneqarpoq. Peqatigisaanik pisortat allaffissornerannut siunnersuutigineqartoq oqilisaataassaaq, tak. soraarnerussutisiaanut tapiissutit naatsorsorneqarneranni tunngavigineqartut pisariinnerusut (takuuk §37 -099/2023).

Ataatsimiititaliap siunnersuummik suliarinninnera

Naalakkersuisut allannguutissatut siunnersuutaat ilusaata allanngortinnissaanut piumasqaammut naammassinissimasutut ataatsimiititaliamit nalilerneqarpoq. Allannguutissatut siunnersuutigineqartoq utoqqalinersiat pillugit inatsisip allanngortinneqarnissaanik Naalakkersuisut peqquneqassasut ataatsimiititaliamit paasineqarpoq, taamaalilluni aapparisaq isertitai tunngavigalugit iluarsiiarneq peerneqassalluni. Inatsimmut allannguut kingusinnerpaamik UPA2024-imi saqqummiunneqassaaq.

Utoqqalinersiat pillugit inatsisip allanngortinneqarnissaanut piffissaliunneqartoq suliat annertussusaat pillugit piumasaqaatit malinneqarumaartut ataatsimiititaliaq naliliivoq. Taamaattumik ulloq 1. juli 2023-imut piffissaliineq ulloq 1. januar 2024-imi piviusunngortinneqarnissaanut inatsimmik suliaqarnissamut, tusarniaanerup ingerlanneqarnissaanut kiisalu siunnersuutip akuerineqarneratigut atuutilersitsinissamut kommunit suliaqarnissaanut piffissaq sivikippallaartoq ataatsimiititaliaq isumaqarpoq.

Naalakkersuisut allannguutissatut siunnersuutaanni §5-p kisimi atorunnaarsinneqarneranik kinguneqassanersoq qulaajarneqarnissaa ataatsimiititaliamit soqutiginarinneqarpoq (takuuk ilanngussaq 1)

5.1 Inatsimmi allannguutissanut missingiut

Utoqqalinersiaqarneq pillugu Inatsisartut inatsisaannik aamma siusinaartumik pensionisiat pillugit Inatsisartut inatsisaannik allannguinissamut missingiummik suliaqarneq aallartereersoq, ilaatigut utoqqalinersialinnut utoqqalinersiat tapiinik naatsorsuinnermut atatillugu pilersuisussaataanerup atorunnaarsinneqarnissaa siunnersuinnermut atatillugu ataatsimiititaliap apeqqutigisaanut Naalakkersuisut akissutigisaanni allassimavoq. §5-p attatiinnarneqarnissaa immikkoortullu 2-p kisimi atorunnaarsinneqarnissaa Naalakkersuisut kissaatigigaat ataatsimiititaliamit taama paasineqarpoq (utoqqalinersiat tapiinik aapparisaq isertitai tunngavigalugit annikilliartertitsinermik nalimmassaaneq).

§10-p aamma §13-p malitsigisaannik allannguisoqarnissaa pisariaqartoq utoqqalinersiat tapiinik naatsorsuinnermi aapparisaq isertitaanut innersuussinerit qulaani taaneqartut saniatigut ataatsimiititaliamit qulaajarneqarpoq.

Kiisalu pilersuisussaataanerup atorunnaarsinneqarnerani kingunerisassat allat pillugit ataatsimiititaliamit qulaajarneqarput. Allannguinuq utoqqalinersiallit ilaannut annikinnerusunik ineqarnermut tapiissutisialernermik kinguneqassasoq Naalakkersuisut akissuteqaataanni allassimavoq. Utoqqalinersiaqartut utoqqalinersiaqanngitsumik aappaqartut, aamma aappariit isertitaat katillugit utoqqalinersiat saniatigut 300.000 kr-t qaangerlugit isertitaqartartut matumani pineqarlutik. Siunnersuut **utoqqalinersialinnut annikinnerpaamik isertitaqartunut sunniuteqarnaviangilaq.**

5.2 Aningaasaqarnikkut allaffissornikkullu kingunerisassat

Utoqqalinersialinnut utoqqalinersianut tapinik naatsorsuinnermi pilersuisussaataanerup atorunnaarsinneqarnera ukiumut 8,2 mio. kr.-inik annertussuseqassasoq naatsorsuigallarnerit takutippaat. Siusinaartumillu pensionisialinnut pilersuisussaataanerup atorunnaarsinneqarnera ukiumut 8,7 mio. kr.-it miss. akeqassaaq. Ataatsimut nunatta karsianut 16,9 mio. kr.-inik akeqassalluni.

Allannguinerit kommunit allaffissornerisa annikillinerannik kinguneqarnissaa naatsorsuutigineqarpoq, utoqqalinersiat tapiinik naatsorsueriaaseq pisariinnerulertussaammat.

Ataatsimiititaliap inassuteqaatai

- Ataatsimiititaliami amerlanerussuteqartut Inuit Ataqtigiit, Siumut aamma Demokraatit Naalakkersuisut allannguutissatut siunnersuutaat akuersissutigineqarnissaa inassutigaat
- Ataatsimiititaliami ikinnerussuteqartoq Naleqqameersoq imatut ikinnerussuteqarluni oqaaseqaammik saqqummiussaqqarpoq:

“Naleqqap kissaatigaa utoqqalinersiani aammalu siusinaartumik utoqqalinersiani pilersuisussaaqatigiinnerup atorunnaarsinneqarnissaa taamaasilluni utoqqalinersiallit aappaasup isertitai apeqqutaatinnagit tunniunneqartalissasut 1. januar 2024-miit. Tamassuma isumagaa §5, imm. 2 peerneqassasoq, Inatsisartut inatsisaannit nr. 20 23. november 2015-imeersumit utoqqalernisiat pillugit. Nuna tamakkerlugu pilersuisussaaqatigiinnerup iluaniittut 1600 innuttaasut pineqarput.

Naleqqap kissaatigaattaaq 16,9 mio. kr. Aningaasanut inatsimmi 2024-imut isumaqatigiinniutigineqarnissaa, 8,2 mio kr. Utoqqalinersianut aammalu 8,7 siusinaartumik utoqqalinersialinnut pilersuisussaaqatigiinneq peerneqassappat.

Naleraq isumaqqarpoq Naalakkersuisut piffissaqarsimasut utoqqalinersiani aammalu siusinaarluni utoqqalinersiani 2021-imi qinersisoqarmalla naammattumik piffissaqarsimasut”.

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

Mala Høy Kúko

Siulittaasoq

Bjørk L. Kristensen

Siulittaasup tullia

Hans Peter Poulsen

Najaaraq Møller

Mikivsuk Thomassen

Eqaluk Høegh

Paneeraq Olsen